



JAVNA USTANOVA  
**DOM ZDRAVLJA**  
ZAVIDOVIĆI

*Gazi Husrev-begova 25*

*tel.(032)878-877*

*fax (032)879-088*

*e-mail: polikzav@bih.net.ba*

*web : www.dzzavidovici.ba*

*Identifikacioni broj: 4218122690008*

*PDV broj: 218122690008*

*Žiro računi: ASA Banka d.d. Sarajevo : 134030000007482*

*Raiffeisen bank d.d. BiH Sarajevo – filijala Zenica : 1610550009120069*

---

Broj:03-2.12-2202/19

Datum:26.12.2019. godine

Direktor Javne ustanove „Dom zdravlja“ Zavidovići na osnovu člana 20a. Zakona o radu („Službene novine F BiH“ broj: 26/16 i 89/18), člana 4. Uredbe o postupku prijema u radni odnos u javnom sektoru u Zeničko –dobojskom kantonu („Službene novine ZE-DO kantona“ broj: 8/19) i Odluka o potrebi prijema u radni odnos br. 03-2.11-2189/19 od 25.12.2019. godine i br. 03-2.11-2190/19 od 25.12.2019. godine , raspisuje

**JAVNI OGLAS**  
**za prijem u radni odnos**

**I**

Javna ustanova „Dom zdravlja“ Zavidovići prima u radni odnos radnike na slijedeća radna mjesta i to:

- doktor medicine -1 izvršilac i
- medicinski tehničar -1 izvršilac.

Osnovna plata za radno mjesto doktor medicine u JU Dom zdravlja Zavidovići za 150 radnih sati iznosi 1.586,25 KM, a za radno mjesto medicinski tehničar osnovna plata za 150 radnih sati iznosi 810,75 KM.

**II**

Kandidati **za radno mjesto doktor medicine** treba da ispunjavaju sljedeće opće uslove za prijem u radni odnos:

- da su državljani Bosne i Hercegovine,
- da su stariji od 18 godina i
- da imaju zdravstvenu sposobnost za zasnivanje radnog odnosa za radno mjesto “ doktor medicine”.

Posebni uslovi koje kandidati moraju da ispunjavaju za radno mjesto “doktor medicine” su:

- Da imaju završen Medicinski fakultet,
- Da imaju položen stručni ispit za zvanje doktor medicine.

### III

Kandidati za **radno mjesto medicinski tehničar** treba da ispunjavaju sljedeće opće uslove za prijem u radni odnos:

- da su državljani Bosne i Hercegovine,
- da su stariji od 18 godina i
- da imaju zdravstvenu sposobnost za zasnivanje radnog odnosa za radno mjesto "medicinski tehničar".

Posebni uslovi koje kandidati moraju da ispunjavaju za radno mjesto "medicinski tehničar":

- da imaju završenu srednju medicinsku školu – smjer opšti,
- da imaju položen stručni ispit za zvanje medicinska sestra-tehničar,
- da imaju 6 mjeseci radnog iskustva na poslovima medicinske sestre-tehničara.

### IV

Postupak izbora kandidata za radno mjesto **doktor medicine** vršit će se na osnovu razmatranja dostavljene dokumentacije, te održanog pismenog i usmenog stručnog ispita sa svakim od kandidata koji je dostavio urednu, potpunu i blagovremenu prijavu.

Kriterij za bodovanje kandidata će biti pismeni i usmeni stručni ispit.

Svaki kandidat mora odgovoriti na najmanje 60 % postavljenih pitanja (ostvariti 60 % bodova od mogućeg broja bodova) da bi se kvalifikovao za usmeni stručni ispit, u suprotnom se smatra da nije uspješno riješio test i isključuje se iz daljeg postupka.

Svaki kandidat mora odgovoriti na najmanje 60 % postavljenih pitanja (ostvariti 60 % bodova od mogućeg broja bodova) da bi se smatrao uspješnim na usmenom stručnom ispitu.

Ukupan broj bodova koji se može ostvariti po osnovu pismenog i usmenog stručnog ispita, kandidatima će biti saopšten prilikom pristupanja na pismeni i usmeni stručni ispit.

### V

Postupak izbora kandidata za radno **mjesto medicinski tehničar** vršit će se na osnovu razmatranja dostavljene dokumentacije i održanog intervjua sa svakim od kandidata koji je dostavio urednu, potpunu i blagovremenu prijavu.

Kriterij za bodovanje kandidata će biti održani intervjui.

Intervju će sadržavati i pitanja iz oblasti poznavanja poslova predviđenih radnim mjestom na koje se odnosi prijava kandidata.

Svaki kandidat mora ostvariti najmanje 60 % od mogućeg broja bodova na održanom intervjuu da bi se našao na Listi uspješnih kandidata.

Ukupan broj bodova koji se može ostvariti po osnovu intervjua, kandidatima će biti saopšten prilikom pristupanja na intervju.

### VI

Kratak opis poslova za radno **mjesto doktor medicine** :

- klinički pregled (prvi i ponovni) oboljelih i povrijeđenih lica, u zdravstvenoj ustanovi i u stanu bolesnika,
- utvrđuje potrebu i daje nalog za obavljanje laboratorijskih i drugih dijagnostičkih pretraga i konsultativnih specijalističkih pregleda sa ciljem utvrđivanja konačne kliničke dijagnoze odnosno kontrole liječenja,
- propisuje, ordinira, prati i kontroliše tok njege i liječenja,
- pruža prvu i hitnu medicinsku pomoć u Domu zdravlja, na mjestu udesa i u toku transporta,
- vrši male hirurške intervencije,
- obavlja i ostale poslove doktora medicine propisane Pravilnikom o radu Poslodavca.

Pismeni i usmeni stručni ispit obuhvatit će oblasti iz urgentne medicine, interne medicine, farmakologije i opšte hirurgije, a za pismeni i usmeni stručni ispit koristit će se slijedeća literatura:

1. Urgentna medicina za studente Medicinskog fakulteta
2. Interna medicina za studente Medicinskog fakulteta
3. Farmakologija za studente Medicinskog fakulteta i
4. Opšta hirurgija za studente Medicinskog fakulteta.

## VII

Kratak opis poslova za **radno mjesto medicinski tehničar** :

- vrši prijem i trijažu oboljelih i povrijeđenih,
- vrši sanitarnu obradu bolesnika,
- uzima anamnezu: ličnu, porodičnu, radnu i socijalnu, upisuje i informiše ljekara,
- vrši poslove primjene ordinirane terapije, seruma i vakcina,
- vrši primarnu i sekundarnu obradu manjih rana,
- postavlja udloge kod akutnih stanja,
- vrši antropometrijska mjerenja i mjerenja u funkcionalnom testiranju, prilikom ljekarskih pregleda: prethodni, periodični, sistematski i dr.,
- vrši patronažnu posjetu: u stanu, predškolskoj ustanovi i školi,
- upisuje opšte i anamnestičke podatke u propisanu dokumentaciju (zdravstveni karton, protokol, matični list istorije bolesti, temperaturna lista, bolesničko statistički listić i vodi tekuću, dnevnu evidenciju i periodične izvještaje – za užu organizacionu jedinicu
- vrši poslove sterilizacije i odgovoran je za sterilnost instrumenata, zavojnog materijala, konca, rukavica i dr.
- obavlja i ostale poslove medicinskog tehničara propisane Pravilnikom o radu Doma zdravlja.

## VIII

Radni odnos za oba radna mjesta zasniva se na neodređeno vrijeme uz probni rad, koji za radno **mjesto doktor medicine** traje 3 mjeseca, dok za radno mjesto **medicinski tehničar** probni rad traje 30 dana.

## IX

**Uz prijavu na oglas za radno mjesto doktor medicine**, koja mora biti poseban potpisan dokument od strane podnosioca, kandidati su dužni priložiti i slijedeće dokaze:

1. Kraću biografiju sa adresom i kontakt telefonom kandidata,
2. Uvjerenje o državljanstvu, ne starije od 6 mjeseci,
3. Izvod iz matične knjige rođenih (trajni dokument),
4. Dokaz o završenom Medicinskom fakultetu,
5. Uvjerenje o položenom stručnom ispitu.

Dokazi se prilažu u originalu ili ovjerenim fotokopijama.

## X

**Uz prijavu na oglas** za radno mjesto **medicinski tehničar**, koja mora biti poseban potpisan dokument od strane podnosioca, kandidati su dužni priložiti i slijedeće dokaze:

1. Kraću biografiju sa adresom i kontakt telefonom kandidata,
2. Uvjerenje o državljanstvu, ne starije od 6 mjeseci,
3. Izvod iz matične knjige rođenih (trajni dokument),
4. Diploma o stečenoj stručnoj spremi,
5. Uvjerenje o položenom stručnom ispitu,
6. Dokaz o radnom iskustvu izdat od poslodavca kod kojeg je ostvareno radno iskustvo (potvrda ili uvjerenje).

Dokazi se prilažu u originalu ili ovjerenim fotokopijama.

## XI

Izabrani kandidati, za oba radna mjesta, će biti u obavezi da, u roku od 15 dana od dana zaprimanja obavještenja o njihovom izboru kao najboljih kandidata, dostave ljekarska uvjerenja o zdravstvenoj sposobnosti za zasnivanje radnog odnosa na radnom mjestu za koje su odabrani (doktor medicine ili medicinski tehničar).

Ukoliko kandidati, u ostavljenom roku, ne dostave ljekarsko uvjerenje smatrat će se da su odustali od zaposlenja.

## XII

Prijave na javni oglas se podnose na adresu Doma zdravlja, Javna ustanova „Dom zdravlja“ Zavidovići, UI.Gazi Husrev-begova 25, 72220 Zavidovići, ili lično u Dom zdravlja u zatvorenoj koverti, sa naznakom „NE OTVARAJ- PRIJAVA NA JAVNI OGLAS ZA RADNO MJESTO ( \_\_\_\_\_ u zagradi navesti na koje radno mjesto se kandidat prijavljuje)“.

Na koverti se obavezno navodi ime, prezime i adresa pošiljaoca.

Neuredne, nepotpune i neblagovremene prijave, Komisija za izbor kandidata za prijem u radni odnos će odbaciti.

## XIII

Rok za podnošenje prijava je 8 dana od dana objavljivanja javnog oglasa u dnevnim novinama Oslobođenje, na web stranici osnivača-općine Zavidovići, web stranici Doma zdravlja Zavidovići i web stranici JU „Službe za zapošljavanje Zeničko-dobojskog kantona“, računajući od njegove posljednje objave.

Kontakt osoba za davanje dodatnih obavještenja je Smajić Amra, broj telefona za dodatna obavještenja je 032-878-877-lokal 104.

Pripremila:  
Smajić Amra, dipl. pravnik

DOSTAVLJENO:

1. Dnevne novine „Oslobođenje
2. Web stranica osnivača-općine Zavidovići
3. Web stranica JU „Službe za zapošljavanje  
Zeničko-dobojskog kantona
4. Web stranica Doma zdravlja Zavidovići
5. a/a



DIREKTOR:  
prim dr. Halid Muhić